



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber dissencionum archiepiscopi Coloniensis et Capituli Paderbornensis

Dietrich <von Engelsheim>

Münster, [1893-1897]

6. De dieta domini Coloniensis facta ad Bohemiam cum aliis principibus.

[urn:nbn:de:hbz:466:1-54427](https://nbn-resolving.org/urn:nbn:de:hbz:466:1-54427)

Concordatis et pacificatis pretactis dominis, archi- 5.
 episcopo Coloniensi et predicto illustri Wilhelmo super
 prenarratis, tunc idem archiepiscopus se cum principibus
 et terrarum dominis prope eum habitantibus ad pacis
 tranquillitatem posuit, cum eisdem se colligavit, faciens
 cum illustribus principibus, episcopo Magno, nato filii(?)
 ducis Saxonie, Hildensemensi, cum Ottone et Wilhelmo,
 ducibus Brunswicencibus et Luneborgensibus, cum
 Lodewico, lantgravio Hassie, confederationem, amiciciam
 inter eos, cometes de Waldecke, de Tekeneburg et
 dominos de Lippia condicendo. Sicque tunc instedit¹⁾,
 ut debita per eum in premissis dissensionibus contracta
 persolveret, que, ut per se profitebatur, se ultra ducenta
 milia florenorum Renensium extenderant. Pro quibus
 redimendis plures decimas de suis indixit, postulavit,
 colligere fecit et accepit, ita exacte tales requirens et
 graves inponens, quod plures sue diocesis beneficiati
 sua beneficia relinquerunt, possessionibus in eis habitis
 resignarunt, sine spe rehabendi absedentes ab eisdem;
 quod dolens refero, eis compaciendo. Dominus tunc
 prelibatus post hec in optima habitudine utramque
 ecclesiam Coloniensem et Paderbornensem rexerat, pacem
 servaverat et onerosus suis non fuerat, sic quod eo
 causante nulle inimicie seu rapine suis inferebantur.
 Utinam si tale bonum regimen et propositum ita per-
 mansisset! Tunc ecclesia Paderbornensis, ut prefertur
 destituta, per optime fuisset habunde reformata.

Cum autem reverendissimus dominus Theodericus 6.
 de omnibus memoratis laudabiliter erat liberatus, tunc
 propter detestabilem heresim Husitarum, illis temporibus
 per maxime in regno Bohemie et partibus ibidem vicinis

¹⁾ = institit.

circumquaque vigentem, fidem Christi et religionem indesinenter destruentem, inhumana perpetrantem reverendissimus in Christo pater Julianus, tituli Sancti Angeli cardinalis legatus a latere, ad Germaniam pro extirpatione dicte heresis et aliis rebus a sede apostolica destinatus, necnon Serenissimus princeps Sigismundus, imperator Romanorum, Ungarie et Bohemie regnorum rex, prenommatum dominum archiepiscopum in adiutorium contra tales Husitas ad intrandum Bohemiam et extirpandum talem heresim invocarunt. Qui tamquam bonus

1422 circa 15/8 fidelis catholicus se ad hoc anno domini MCCCCXXII valde excellenter cum maxima comitia preparavit et Bohemiam cum aliis multis principibus circa festum assumptionis virginis gloriose intravit, habens secum circa tria milia virorum equestrium et peditorum (sic!) mansitque cum eisdem ibidem usque ad festum beati Michaelis tunc proximum vel circa, ultra XXX milia florenorum pro tunc consumendo, parum utilitatis contra Husitas reportando, sic quod ipsi tunc primo principes eos circumiacentes plagis magnis per tempora multa invaserunt, bonum dei destruendo, bonos christianos trucidando, parum aut nichil de fide Christi et sacramentis curantes, ita quod in anno domini M^oCCCCXXX

1430 alia dyeta contra eosdem per Beatissimum dominum Martinum, papam, et Serenissimum Sigismundum, imperatorem, erat indicta, ad quam prefatus dominus cum mille armigeris et bene totidem pedestribus, secundo reverendissimo Leodienssis ecclesie episcopo comite, Bohemiam intravit, iterum bene per sex septimanas ibi permanendo, XX milia florenorum consumendo, ubi plures equos et currus ad magnum valorem bene quinque milium florenorum perdidit, equos dimisit et suos mortuos reliquit. De qua dyeta nec utilitas aut commodum Christi fidelibus devenerat. Sic tunc dominus reveniens ad

propria, ibidem tunc ad bonum tempus requievit optime, pacifice et quiete. Statim tamen post hoc cum magno apparato (sic!) et expensis multis intravit Prussiam, dudem¹⁾ ibi residendo. Sicque ex omnibus premissis rimatis²⁾ fama ipsius undique in Germania erat gloriose divulgata, et ex illis pre aliis suis coëpiscopis et electoribus venerabilior reputatus.

Omnibus premissis ad finem bonum deductis et 7. optime complanatis, preposito, decano et capitulo ecclesie Paderbornensis cum reverendissimo in Christo patre, domino Theoderico, archiepiscopo Coloniensi, ecclesie Paderbornensis administratore, eorum tunc vero domino, quietissime viventibus, sperabatur ab eodem, sue ecclesie Paderbornensis profectum, augmentum, pacem et divicias consequi, et eandem ecclesiam per eum augmentari, dampna passa et expensas erga predictum habunde passas recuperare, prout talia sue receptionis tempore ad tutelam et administrationem fertur taliter plurimum spondidisse, et plures dominorum de capitulo ab eodem presentialiter audivisse. Nescitur tamen, quo spiritu tunc ducebatur, immo verius seducebatur. Ipse sub annis domini M^oCCCCXXX sine collegii cardinalium, imperatoris 1430 Sigismundi, archiepiscopi et sui capituli Moguntini et sine capitulo, vasallorum, civitatum et opidorum ecclesie Paderbornensis situ,³⁾ consensione et voluntate a Beatissimo domino Martino, papa quinto, clam et oculte camera-liter⁴⁾ fecit et impetravit, ecclesiam Paderbornensem sue ecclesie Coloniensi uniri et incorporari, licet de omnium premissorum preiudicio agebatur, sic quod voluntas

¹⁾ Schreibfehler statt dudum = eine Zeit lang.

²⁾ Erforschungszug, Kriegszug.

³⁾ für scitu. ⁴⁾ Auf Schleichwegen.